

# 1 PITA

## KUIMP TEPA IK KŪĹ

### *Ya Buk Ei Nga PuĹ Ei:*

Jisas mondak pŕatung wamp mbu, mbun mindil mbu tuk rondut mundak, numan kai pilik kongun mbu, rak rak etuk mint ping.

### *Ya Buk Ei, Nam Ndi Rurum:*

Wu Pita ei, Jisas nga kitip kuni wu ei ndi, ya mon ei rurum.

### *Mon Ropa Nam Ngurum:*

Mon ei ropa, Jura wamp kuĹ kŕn, wamp ruĹaip elpa kuĹ kŕn, Eisiya kona ou ei nga, kona kel elpa elpa mbila mormun wamp kuĹ ngurum.

### *Ui Nant Ila Rurum:*

AD 62-64 ui ei kŕn, Rom kona ila, Pita moĹpa, mon ei rurum. Wu nuim mumuk Niro murum ui ei kŕn, Pita koĹmba ui ei nondpa elinga, mon ei rurum.

### *Ik Rondut - 1Pita 1:7*

Mbun mindil mbu ndi, tŕn nga mondpa pili orunga rondut mbun kun kai muĹmin, muna mon, ei tŕn kanumba orum. Tŕn pŕtmŕn ni, ku gol pora nimba mel ei, ndip ila ruk nduk kalk, wote ekit tŕtmin. Ei mel, tŕn nga mondpa pili uĹ ei, gol mel, kapĹa mon. Ei nga, tŕn nga mondpa pili uĹ ei, ndip mel ila ruk mba, wote kai etpa ekit omba. Wote, Jisas Kraist omba pena ila moĹmba ui ou ila, enim nga mondpa pili uĹ ei, rom kaip mbi ou ti uĹ, tŕpa ou ndui uĹ mbu, enim kapĹa ting.

## IK PENG KŪĹ

### Rump

- 1:1-2 - Pita nga mon kuimp teпа rurum kuĹ
- 1: 3-12 - Tŕn kont muĹmin uĹ ei, muĹ kona nokundpa tetum
- 1:13-25 - Enim wamp Wingti ralk muĹui
- 2:1-8 - Nuim ei, kont mul ku kai ei
- 2:9-10 - Enim, Got nga wamp ruĹaip mormin
- 2:11-17 - Got nga kongun kindmant wamp
- 2:18-25 - Tŕn mbun koma ropun, Kraist pep ramin
- 3:1-7 - Wu amp mbu nga man ik

3:8-22 - Tən numan tenda pangga mułumin  
 4: 1-6 - Kraist pep ruimin uł ei mindil petəm  
 4:7-11 - Kongun wu kai ei ndi Got nga kongun mbu rap etəm  
 4:12-19 - Kraist kən mbun koma ruimin uł ei  
 5:1-4 - Enim rap wu mbu ndi, Got nga wamp mbu rap itui!  
 5:5-11 - Təndun mep mana mbun, numan tenda pilamun  
 5:12-14 - Rawe ik kuł

### Pita Nga Mon Kuimp Təpa Rurum Kuł

**1** <sup>1</sup>Na Pita, Jisas Kraist nga nombuła rung wu. Na ndi, mon ei rop, enim Got nga wamp kat, mbi ropa, en enim nga mui mang kona ila wak rok, mbuł mbał nuk puk, kona Pontas, Galesiya, Kaparosiya, Eisiya na Bitiniya, kona mormin wamp kuł kən, mon rop ngunt. <sup>2</sup>Enim Got Tipam ei ndi, unt kor nga pilpa pora ndupa, mbi ropa elim kən rukur titim. Mułnga Wingti ei ndi, enim etpa wamp wingti mbu mundangga, Jisas Kraist nga ik ei, teng nduk tangina, wote elim nga mema ei ndi, enim łumui rangga. Got nga wamp poł ti uł, wote mołpa kundi uł mbu, enim nga ruk ting ila təpa, peka ropa kuimba kułangga!

### Tən Kont Mułmin Uł Ei, Muł Kona Nokundəpa Tetəm

<sup>3</sup>Tən pətmən ei, Got ndi tən wi ropa, ruk rung titim ei, elim nga uł eng nui tetəm ei kən, wote elim nga uł kun kai tetəm ila, kunda mułeimən nimba itim. Ei nga, Got elim nga ronduł ila, tən uł kun kai mbu, elim pətmən ei mel pep rumin nimba, tən mel minal ngurum. <sup>4</sup>Wote tən ndi, Got elim nga wamp mbu nga memp kai teing nimba təndətəm mbu timin ei nga, nokundəp mormun. Memp kai ei, wi muł kona təndətəm ei, purpa kit mołpa, wei ai iti natətəm mon! <sup>5</sup>Enim Got kən monduł pilingina, wote elim nga ronduł ei ndi, enim nokundək nga molk kai mondułmin. Enim etpa tamba uł ei, muł mui rał pora nimba ui ou ila, ekit omba ei nga tupa kun etpa tetəm. <sup>6</sup>Uł ei nga, numan kai pilik mułui! Akup ya mui kona ila ui onunga kuł ila, oła tupa, kuni uł mbila ou ndupa, mbun mindil tənman. <sup>7</sup>Mbun mindil mbu ndi, tən nga mondpa pili orunga, ronduł mbun kun kai mułmin, muna mon, ei tən kanamba orum. Tən pətmən ni, ku gol pora nimba mel ei, ndip ila ruk nduk kalk, wote ekit tətmin. Ei mel, tən nga mondpa pili uł ei, gol mel, kapła mon! Ei nga, tən nga mondpa pili uł ei, ndip mel ila ruk mba, wote kai etpa ekit omba. Wote, Jisas Kraist omba pena ila mołmba ui ou ila, enim nga mondpa pili uł ei, rom kaip, mbi ou ti uł, tupa ou ndui uł mbu, enim kapła ting. <sup>8-9</sup>Enim Jisas kuni nakundərmin kep, enim nga numan ei, elim kən tetmin. Enim akup elim kuni nakunmin, wote mondpa pili uł ei, ambulk mormin. Ei ndi, enim nga mondpa pili orunga, ting mel

ei, t̄nmin ei, min orunga etpa ti uʔ ei, uʔ i et̄k, ambulk palk, numan ti elpa elinga mormin. <sup>10</sup>Painui wu kuʔ ndi, etpa ti uʔ ei nga ik puʔ ei, et̄p pilmin n̄k pilik, kongund̄k kur̄k puk, wote Got nga wamp gem ui uʔ ei, enim ngumba ei nga, ik pai nok n̄t̄ng. <sup>11</sup>Ni k̄n, etpa ti uʔ ei, ui nant k̄n omba, wote etpa omba mel nant, ik puʔ ei nga kombulk p̄t̄ng ku. Ui ei k̄n, Kraist nga Muʔnga ei, ik painui wu mb̄ k̄n, omba moʔpa, Kraist wote omba, mindil nomba, mbi ou t̄pa etmba ei nga, kuimp tepa Muʔnga ei ndi, oʔa t̄pa unt nitim. <sup>12</sup>Got ndi, painui wu kuʔ, en enim nga uʔ ti enmin n̄k, pili n̄p̄l̄i nimba, para ndupa ngurum. Ei mon, akup enim wamp mormin kuʔ nga ik n̄nd̄t̄ng. Ei nombuʔa rung wu mb̄ ndi, R̄nang Ik Kai ei, muʔ kona Muʔnga Wingti tenda ei nga ronduʔ ila ku, uʔ mb̄ nga n̄k nguʔungina p̄nm̄n. Wote angelo mb̄, ndi kunda uʔ mb̄ pilip tam̄n, ka n̄k p̄tm̄n ku.

### Enim Wamp Wingti Ralk Muʔi

<sup>13</sup>Ei nga, enim nga numan orunga t̄k k̄n mund̄k, t̄k mend̄k muʔi! Enim nga numan tenda pend̄k, Jisas Kraist omba pena ila moʔum ei, Got nga pol ti uʔ n̄k nokund̄k muʔi! <sup>14</sup>Unt enim pilik k̄n iti nat̄k, uʔ kit mbila ki nguk, uʔ kit mb̄ nga numan nguk et̄ng. Uʔ mb̄ wak rok, akup Got nga kangambuʔa ralk molk, elim nga ik ei teng nd̄i! <sup>15</sup>Wote Got ndi, enim wi ropa ruk̄r t̄pa, wamp wingti kuʔ muʔi n̄t̄m. Ei mel uʔ, namba uʔ eng mbila, wamp wingti ralk muʔi! <sup>16</sup>Buk Wingti ei ndi, nimba mel,

“Na wingti mor ei mel, enim wingti ku muʔi!” n̄t̄m.

<sup>17</sup>Enim Got k̄n atinga rok, mbi tek, Wuta n̄t̄min ei ndi, wamp pora, en enim nga namba uʔ et̄min mb̄, to tenda ila mint k̄mp t̄t̄m. Ei nga, ya m̄i kona ila ui onunga monm̄n kuʔ ila, Got nga mund̄mong end̄k, pek muʔi! <sup>18</sup>Enim p̄t̄min ni, unt enim nga anda kouw̄ kuʔ nga uʔ kit mbo rond̄ng uʔ mbila, kand̄k t̄k pep rok morung. Ei k̄n, namba mel ti ndi, enim etpa kan pilinga ndurum ei, pilik mormin. Ku gol, silpa mel mb̄ nga ronduʔ pi purum. Wote ei ndi, iti n̄t̄t̄m mon! <sup>19</sup>Wote, Kraist nga mema ei, ronduʔ minal p̄t̄m ei ndi, enim etpa titim. Kraist ei, k̄ng sipsip waʔ na ti, k̄ng nit pi n̄pi, ni mel ku. <sup>20</sup>Unt Got ndi, mel kanm̄n mb̄ pora, mim iti n̄ti k̄n, Kraist mbi ropa oʔa t̄pa, kongun ei tangga nitim. Akup ui pora ninim ila, enim nga n̄nd̄pa k̄n, Kraist enim k̄n etpa mot ndun̄m. <sup>21</sup>Ei k̄n, Kraist ndi, enim t̄pa rapund̄nga, Got k̄n mond̄k p̄nm̄n. Got elim ndi, Kraist on kona ila ʔopora oʔa t̄pa, mbi ou oʔa orunga ngurum. Ei nga, enim Got mond̄k pilik, omba t̄mba ei nga numan kai pilik, kel rond̄k nokund̄k mormin.

<sup>22</sup>Akup, enim ik kupa ei pilik t̄k, pep rok enmin ei ndi, enim nga uʔ kit mb̄, ʔum̄i roʔnga, min orunga et̄k kai mondunmin. Wote, enim nga mond̄pa pili wamp mormin mb̄, numan ngunmin. Ei mel ku, ronduʔ

munduk angmun mbu pora, numan nguk mutui! <sup>23</sup>Ei kun, Got nga ik kont mba, uŋ nga kunt nga tetum ik ila, enim rung mbo na, ni mel kont paka mila rong. Enim kangambuŋa kel mel, kokila meng kuŋ, tipam ei, kuŋi nakuram kont mba moŋpa mint purum. <sup>24</sup>Buk Wingti ndi, ei nimba mel,

“Wamp mbu pora, ŋi ongum na mel penum mbu mel kapŋa, Wote, wamp nga kung orunga mel tetum mbu, ŋi ongum kuk ronum ei mel kapŋa. Wote, ŋi ongum ei, korum ei kun, elim nga kuk ropa, ekit ndurum ei, koŋpa mana purum. <sup>25</sup>Wote, Nuim ei nga ik ei, uŋ nga kunt nga kont tepa mint purum,” nutum.

Ik ei, Runang Ik Kai int enim kun, urum ik waŋum ei.

### Nuim Ei Kont Mul Ku Kai Ei

**2** <sup>1</sup>Ei nga, enim uŋ ŋawa kit iti uŋ mbu, wak rui, ik kol rui nurui! Uŋ kol mbu iti natuk, wuluk rui naruk, wote ik kit ni uŋ mbu iti natuk, wak rui! <sup>2</sup>Enim kangambuŋa nana mel molk, ruk ruk Got nga ik ei, enim nga min orunga, aim nuing ei nga, waka kulk mutui! Ei nok kun, ou etuk moŋangina kun, enim etpa tumba. <sup>3</sup>Buk Wingti ila, nimba mel,

“Enim Nuim ei nga uŋ kai etum mbu nga tungun ei, nok kai putmun,” nutum.

<sup>4</sup>Enim Nuim ei kun wui! Kont mul ku mut waŋ ei, wamp mbu ndi, mel wei ti nuk pilik, tuk mbut nguk, wak rorong. Ni wote, Got ndi, ku ingk rondut ei, nimba mbi ropa oŋa titim. <sup>5</sup>Enim kunda ku, kont mul ku mut waŋ kuŋ, Got nga numan ila enim etpa, Mutnga Wingti nga manga rundimp nimba putum. I etuk, enim ok, wu pris ruŋaip wingti mbu molk, wote Jisas Kraist nga mbi ila, enim nga mutnga ei nga, Got kun angge nuk, rukar ndangina, tinditum ei, Got kun oŋa pangga, elim kai pilpa, angge nuk nguing mel mbu, kapŋa nimba tumba. <sup>6</sup>Buk Wingti ei ndi, nimba mel,

“Na ndi, ku mut waŋ rondut kai ti kandap, mbi ndup aprap tant, Ei akup tup, Saiyon kona ila manga paka rumant mel tup angundunt. Wote, wamp nam ti ndi, elim kun mondpa pilim ndam, pipil kuŋi natumba,” nutum.

<sup>7</sup>Ku mut waŋ ei, nim monduk pili wamp ei nga ku rondut kai. Ei wote, monduk pili napulung wamp mbu nga ik ei, mel petum,

“Ku mut waŋ ti manga ruki wu mbu ndi, kit nuk pilik tuk mundrang ei, tupa ropul ropa aldpa omba ku kai rondut ti rurum,” nutum.

<sup>8</sup>Wote, Buk Wingti ila, ik kat nimba mel,

“Ku mut waŋ kel ei ndi, wamp mbu etpa tun nga rondumba. Wote ku ou ei ndi wamp mbu, ropa tupa mana pendumba,” nutum.

Wamp mbu ropa tupa mana pendutum ei, nambuŋ emel, Got nga ik ei, monduk pili naputmin. Ei kun, Got nga numan ila iteing nimba putum mel.

### Elim Got Nga Wamp Ruʔaip Mormin

<sup>9</sup>Wote, enim, Got ndi, wi ropa titim wamp kuʔ. Ei nga, enim elim nga wamp ruʔaip mendpuʔ kuʔ mormin. Enim Wu Nuim Mumuk ei nga pris ruʔaip kuʔ mormin. Wamp wingti kuʔ mormin. Got elim nga wamp mendpuʔ kuʔ, enim unt rumbuʔ ila moʔnga, wote elim ndi, enim etpa tupa rungaʔ kai ila mundrum. Uʔ mbu nga, elim nga mbi paka rundeing nimba, enim wi ropa rukur titim. <sup>10</sup>Enim unt Got nga wamp ruʔaip kat muʔi nambuʔung. Wote, akup enim Got nga wamp ruʔaip mendpuʔ kuʔ mormin. Enim unt Got nga wamp kont kul uʔ ei, pilik mbi ndui nanduʔung. Wote, akup enim ndi, elim nga wamp kont kul uʔ ei, rukur tutung.

### Got Nga Kongun Kindmant Wamp

<sup>11</sup>Na nga wamp puʔ mendpuʔ kuʔ, enim ya muʔi kona ila wamp tama mel, ralk ok mormin. Ei nga, enim man ngump nant ei, enim unt etung uʔ kit mbu, tuk mbuʔ nguʔi. Uʔ kit unt nga etung mbu, enim nga numan ila pepa oʔa omba, min ei kun el rorum. <sup>12</sup>Enim wamp ruʔaip ekit orunga mbu kun, moʔpa kundi orunga, uʔ kun kai mbu itui! Wote enim kun, ik nuk kit monduk, eng ei kun, tunggut Got om Ui Ou ei kun, enim nga uʔ kai etung mbu, kanduk mbi nduk, wote Got nga mbi paka runding.

<sup>13-14</sup>Enim Nuim ei nga nanduk, wamp nga ik nang mbu pilik, pep rok itui! Wamp nga peng ila wu nuim mumuk morum ei kun, wote wu nuim mumuk ei nga keta tuk gapman mormin wu mbu kunda, wu nuim mumuk ei ndi, tupa mondpa, wamp uʔ ʔawa eng mbu, tuk kan nguk, wote uʔ kai etmin wamp mbu, mbi paka rundeing nimba, tupa mondrum. <sup>15</sup>Ei nga, Got ndi, elim nga numan ila enim uʔ ei mel iteing nimba putam. Enim uʔ kai mbu tangina, enim kun nuk, kit monduk, ik rolunga nuk eng wamp mbu, keta mum kun mufeing. <sup>16</sup>Ei kun, enim wamp mat, numan kun kai penduk, wei mormun ei mel muʔui! Wote, en enim nga wei mul uʔ ei, tuk wal puki mel pakuk, uʔ kit mbu, etuk mo rui naruʔi! Got nga kongun kindmant wamp kupa kuʔ muʔui! <sup>17</sup>Enim ndi, wamp mbu pora, tuk ou ndui! Enim nga wung ila mondpa pili angmun mbu, numan nguk, Got tuk ou nduk mbi paka ronduk itui! Wote, wamp nga wu peng mumuk morum ei, tuk ou nduk itui!

### Tun Mbu Koma Ropun Kraist Pep Ramin

<sup>18</sup>Enim kongun kindmant wamp mbu pilik, enim nga wu ou mbu nga mana orunga molk, tuk ou minal ndui. Uʔ kai etam ti kep, kit etam ti kep, tuk ou mint ndui.

<sup>19</sup>Ei nambuʔ emel, enim Got nga numan putam uʔ ei pep rok molk, mbun mindil ti natulmina mbu, tung ndam, Got ndi, enim memp pendamba.

<sup>20</sup>Enim uŕ ʔawa ti, elingina rormin ei kʌn, mindil ting mel tʉtmin. Ei kʌn, mbi kai ti natʉtmin. Wote, enim uŕ kʌn kai ti itangina, mbun mindil nguk eng ndam, Got ndi, enim memp pendʉmba. <sup>21</sup>Uŕ ei nga, Got ndi, enim wi ropa titim. Nambuŕ emel, Kraist ei, enim nga nimba mindil nurum ei mel, akup enim ndi tʉk ou nduk molk, elim nga kʉmp ei pep ruŕ!

<sup>22</sup>“Kraist ndi, uŕ kit ti iti natʉtʉm! Wamp ndi, elim nga keta ila ik kol ti pili napʉtʉng,” natʉm.

<sup>23</sup>Elim ik mura ngurung ndam, ik ti punt ropa, ni nʉndʉtʉm. Elim mindil ngurum ei kʌn, punt rop timp nimba uŕ ti iti natʉtʉm. Ei kelpa, elim nga numan ei mepa mba, elim nga Got wu kupa ei kʌn titim. <sup>24</sup>Kraist ndi, tʉn nga uŕ kit mbʉ tʉpa, elim nga kʉng ila koma ropa mba, nde peta ila pitim. Uŕ ei ndi, ora ndupa, tʉn nga uŕ kit etmin mbʉ pora, wak ropʉn kotʉpʉn kʌn, kont mul peng ei kandʉp tʉpʉn, uŕ kʌn kai mbʉ pep rʉmin. Elim nga kʉng ila, kip mundrum mbʉ ndi, enim aldpa etpa kai mundrum. <sup>25</sup>Unt enim kng sipsip mel, nombuŕa mam tiki purung. Wote akup, enim numan ropʉl rok, wamp min nga Rʉp Etʉm Wu ei, pep reing nimba, mepa yant urum.

### Wu Amp Mbʉ Nga Man Ik

**3** <sup>1-2</sup>Ei mel ku, enim amp mbʉ, en enim nga wanʉmʉl mbʉ nga mana orunga muŕuŕ! Wu mat, Got nga ik ei, pili napiling mbʉ, enim amp mbʉ nga uŕ kʌn kai eng ei ndi, wu mbʉ etʉk numan ropʉl runding. Enim ndi, ik ti ning mel mon. Nambuŕ emel, enim numan kʌn kai pendʉk, Nuim ei nga mundmong endʉk, eng uŕ ei ndi, wu ei numan ropʉl romba.

<sup>3</sup>En enim nga kʉng orunga mon pangga nʉk, peng kom etʉk, nde mong rumbulk, wal pʉki kai mat pakuk iti natʉuŕ! <sup>4</sup>Ei kelik, en enim nga numan rukrang orunga ou nduŕ! Pora ni nʉndʉtʉm uŕ kai ei, numan kundil ni kandʉk tʉk, muŕnga koma ti, ti tek moŕung ndam, Got nga mong waŕ ila, uŕ kai ronduŕ ti enmin nimba kandrum. <sup>5</sup>Ei nga, unt kor nga mondpa pili amp kai wingti morung mbʉ, en enim nga numan ei, Got kʌn tek, wamʉl nga mana orunga morung. Uŕ ei ndi, en enim nga numan orunga, etʉk kai mondrʉng. <sup>6</sup>Sara ni amp ei, uŕ ei mel itim. Aparam nga ik teng ndupa, wam kundpa, nimba mel, “Na nga wu nuim ei,” nitim. Enim akup, amp ei nga mbʉmʉl kʉŕ mel, ti nga mundmong iti natʉk, uŕ kʌn mbʉ mint itui!

<sup>7</sup>Enim amp tʉtmin wu kʉŕ uŕ ei mel ku, en enim nga moŕpa kundi orunga, amp ei nga ronduŕ ti mon. Ei pilik kʌn, rʉp kai etʉk, eng nduk tek muŕuŕ! I eng uŕ ei ndi, amp ei, nim wu kʌn, kup etpa moŕpa, wote Got nga wamp kaŕpa ti, uŕ ronduŕ ei tinggil. Uŕ ei mel eng ndam, enim nga atinga rong ila mel ti ndi, imp muŕi nambuŕʉmba.

### Tʉn Numan Tenda Pangga Muŕamin

<sup>8</sup>Ik nʉmp pora nduimp etʉp ei mel nʉnt. Enim pora numan tenda pilik, wamp kʌn pora, uŕ kai mbʉ etʉk, angmʉn wung orunga mormin mbʉ,

kont kulk, numan nguk, numan meka rui mbu kanduk ti nutui! <sup>9</sup>Enim etuk kit mondung ndam, punt rui nurui! Ik mura ngung ndam, punt rui naruk memp ik kai mbila mint, punt rui! Nambu emel, memp ik kai ei, Got ndi, enim kun unt mi tepa nguimp nimba, enim wi ropa rukur titim. <sup>10-12</sup>Ei nga, unt nga Buk Wingti ila, nimba mel,

“Wamp nam ti ndi, elim moŕup, kai mondup, wote ui kai mat mbulduŕung orunga, kandup timp nimba pilim ndam, ik kit mat ni nandpa, wote ik kol ropa iti nutangga! Uŕ kit mbu, tupa mbuŕ ngumba, uŕ kai mbu etangga! Wamp ei, moŕpa kundi uŕ kai ei, kurpa kandpa tupa pep rangga. Nuim ei nga mong raŕ, wamp kun kai ei kun purum. Wote atinga rormin mbu, kum tepa ruk ruk pŕtŕm. Wote, Nuim ei ndi, uŕ kit etmin wamp mbu kun, tupa mbuŕ ngorum,” nŕtŕm.

<sup>13</sup>Nim uŕ kai ti itimp nuk pin ndam, nam ndi, nim romba? <sup>14</sup>Wote, nim uŕ kai ti etkun mindil nun ndam, nim memp kai tin wamp ei morun! Wamp mbu nga mundmong iti natuk, kuŕ kel numan pili nŕpŕlŕi! <sup>15</sup>Ei kelik, enim ndi, Kraist tuk mundmong orunga monduk, wote etuk enim nga numan ila Wu Nuim rundui! Nim nga numan ila, nokundkun morun uŕ ei, wamp ti ndi, nim kun omba, waldpa em ndam, ik puŕ petum ei mel nukun, kai etkun nguini ei nga ruk ruk ui mbila, tukun kun etkun muŕi! <sup>16</sup>Wote, enim nga numan orunga piral nangga, koma pou raŕ tek, wote tupa ou ndui uŕ ei, etuk molk ik nui! Ei mel tanggina, wote enim Kraist pep rok, uŕ kai mbu etangina, wamp mat ndi, ik kit nuk etmin wamp mbu, en enim pipil kuŕing. <sup>17</sup>Got nga numan ila pep ropun, uŕ kai mbu etpun, mindil timin ndam, ei kapŕa. Muna tŕn mbun ŕawa etpun mindil timun nda, ei kapŕa mon! <sup>18</sup>Ui tungunda mint, Kraist ndi, wamp pora nga uŕ ŕawa nit mbu nga kurum. Wu kun kai ti, tŕn wamp kit mbu nga koŕpa, wote tŕn mepa, Got kun nondpa purum. Elim nga kung orunga rok kondrung, wote elim nga min orunga, ŕoporpa oŕa omba, akup kont morum. <sup>19</sup>Muŕnga ila, ŕoporpa oŕa omba kun mba, kan ila petung muŕnga mbu kun, ik puŕ nimba ngurum. <sup>20</sup>Unt kor nga, Nowa nga nu sip rukrum ui ila, muŕnga mbo kuŕ ndi, Got nga ik ei, tuk roi ndurung. Uŕ ei, Got ndi, punt rui narupa puŕnga mba, nu kui urum ei kun, wamp enggika mint, nu ei ndi, mepa oŕa mba, etpa peng kont titim. <sup>21</sup>Nu punmun ei, enim akup nu tilmina, etpa ti uŕ ila nga to ropa petum. Uŕ ei, kung ŕar kil ngui uŕ ei nga mon! Numan kai muŕangga nimbun Got kun mi tetmun. Jisra Kraist koŕpa tikil rurum uŕ ila, enim etpa peng kont titim. <sup>22</sup>Elim muŕ kona kor purum, Got nga ki mbo orunga moŕpa, muŕ kona anggelo mbu kun, wote uŕ ronduŕ elpa elpa tetum mbu pora, tupa mana ndupa, oŕa orunga morum.

#### Kraist Pep Ruimin Uŕ Ei Mindil Petum

**4** <sup>1</sup>Kraist pŕtmin ni, elim nga kung ila mindil titim. Ei mel, enim numan tenda ei ku pilui! Nambu emel, wamp ti kung orunga mbun

mindil tətəm ni, uʔ kit mbila ruk muʔi namburəm. <sup>2</sup>Ei nga, akup ui ei kən, wote kəmp kəm kont monmən ui ila, kəng orunga mbi paka rui uʔ mbu wak rok, Got nga numan ei kanduk tək pep rui! <sup>3</sup>Enim unt, wamp ruʔaip elpa ekit orunga mbu nga numan penduk etmin, uʔ kit mbu nga etung ni, etuk pora ndurəng. Uʔ mbu mel etung, wapra rui uʔ, wamp kandpa kum pindi uʔ, nu ronduʔ nok, kupur rok, rəng ou ndupa nok, got kol mbu nga atinga ronduk etmin. <sup>4</sup>Akup wamp ruʔaip elpa ekit orunga mbu, enim kanduk rut ninmin ei, en enim nga nombuʔa mam andurmin ila ruk ui nawənmən nuk, aldpa enim ik mura ngurmin. <sup>5</sup>Wote uʔ mbu kapʔa iteing, tunggət ui tila, Got nga kuimp keta ila, uʔ enmin mbu mel kəmp tək nguing. Got ndi, wamp kui kont mbu, kəmp tumba ei nga, tupa kun etpa morum. <sup>6</sup>Uʔ puʔ ila nga Rənanang Ik Kai ei, unt wamp korung mbu kən purum ku. Got ndi, tən kont mormun wamp kəmp tətəm ei mel, wamp kuʔ morung puʔ orunga unt kəmp titim. Rənanang Ik Kai ei, wamp kui kuʔ kən purum ei, pilik tilingina ndam, en enim nga muʔnga orunga, kont mul uʔ ei, Got kont morum ei mel, kont puk moʔangina.

#### **Kongun Wu Kai Ei Ndi Got Nga Kongun Mbu Pup Etəm**

<sup>7</sup>Mel mbu pora nimba, ui ei nondpa enim. Ei kən, enim nga numan orunga kun pangga, ronduʔ munduk, tək menduk molk, atinga rək rək rui! <sup>8</sup>Uʔ nant mbu nga pora, wamp numan ngui uʔ ei, etuk mint muʔui! Nambuʔ emel, wamp numan ngui uʔ ei ndi, uʔ wei etmən mbu, tupa mana ndupa, wote uʔ nit ou ndupa pendpa kitim. <sup>9</sup>Enim numan kit pili napilik, numan kai penduk, enim nga manga tuma ong wamp mbu, rawe etuk tui. <sup>10</sup>Enim wamp tenda tenda nimba ei, Got nga kongun ronduʔ kai mat, iteing nimba kəmp tupa ngurum. Kongun mbu tək, wamp kən kongun tangina, wote enim Got nga kongun wu kai ei neing. <sup>11</sup>Wamp nam ti ndi, Got nga ik nindəm wamp ei, elim kongun ei ronduʔ mba tangga! Wote, wamp nam ti ndi, elim wamp tupa rəpundi uʔ em wamp ei pilin, elim nga ronduʔ Got ndi ngurum ei paka rondukən iti! Wote uʔ mbila pora, Jisas Kraist nga mbi ila, Got nga mbi paka reing. Got elim kən uʔ ronduʔ eng nui wang ndupa etəm uʔ mbu kən, mbi oʔa orunga ti uʔ mbu, uʔ nga kənt nga tetəm. Ei kupa.

#### **Kraist Kən Mbun Koma Ruimin Uʔ Ei**

<sup>12</sup>Na nga wamp puʔ mendpuʔ kuʔ, enim oʔa tupa kəni uʔ kit wei mbu, kanduk tək mindil nonmən. Ei pili naputmin uʔ ti, enim nuk pilik, min ngən mudi nəmundi! <sup>13</sup>Wote, i iti natək, numan ngək, Kraist nga mindil titim mel tənəmən nuk tui! Wote, elim nga mbi ou ti uʔ ei omba, pena ila tem kən, enim ambulk palk muʔing. <sup>14</sup>Enim Kraist nga mbi ei, ambulk muʔangina, ik mura ngək eng ndam, numan ngək muʔui! Nambuʔ emel, Got nga Muʔnga ronduʔ ei, enim kən omba morum. <sup>15</sup>Enim mormin



ruk ting ila, wamp ti kindup norum, muna wamp ropa kondrum, muna uŕ kit nant mbu nga etum, muna wamp mat nga etmin uŕ mbila omba, kuimbal mba. Uŕ mbu nga wamp ti mindil nui nunangga! <sup>16</sup>Wote, enim Kraist nga mbi ambulk molk, mindil tung ndam, uŕ ei nga pipil kuŕi mon! Kraist nga mbi tep mor nuk, Got kun angk nui! <sup>17</sup>Got elim nga wamp mbu, kuimp tepa kump tumba ui ei, akup puŕ mondpa enim. Ei nga, tun kun puŕ mondpa em ndam, wote Got nga Runang Ik Kai monduk pili naputmun wamp mbu kun, kump tupa mba, pora ndumba mel nant? <sup>18</sup>Buk Wingti ila ik kat ndi, ei nimba mel,

“Wamp kai mbu etpa tumba, ei nga mindil petum ndam, wote Got nga ik tuk roi nduk, uŕ kit minal etmin wamp mbu kun, namba uŕ ti pemba, nda?” nutum.

<sup>19</sup>Ei nga, wamp namin mat Got ndi, mindil teing nimba putum wamp kuŕ, en enim pora, Puŕ Wu ei kun, ramp nduk mulangina, enim rup itangga, uŕ kai mbu etuk mint mufeing.

#### **Enim Rup Wu Mbu Ndi, Got Nga Wamp Mbu Rup Itui!**

**5** <sup>1</sup>Na ndi, manga wingti rup wu mbu kun, ik ei mel nump mundunt. Na kongun tenda ei nga etup mor. Na nga mong raf ndi, Kraist mindil nurum uŕ mbu kander, wote ui tila elim nga rang kai omba mot num ila, na ruk ting ila mufimp ku. Ei nga, na enim kun ik ei mel nump ekit ndup nunt. <sup>2</sup>Enim sipsip rup wu mbu mel molk, Got nga wamp enim nga ki ila tinditim mbu, elim nga numan putam ei mel, pila kila nuk rup itui! Kongun etuk kun, mel ti timin nuk, iti nutui mon! Uŕ ei kelik, numan kai penduk, kongun ei itmin nuk itui. <sup>3</sup>Enim wu nuim mel ralk, Got nga wamp enim nga ki ila tinditim kuŕ, tuk mana nduk kuni nukunui! Ei mon! Enim ndi, wamp mbu uŕ iting mbu mel, enim uŕ mbu, kuimbal molk etuk, ora ndangina iteing. <sup>4</sup>Wote Sipsip Rup Wu Nuim Mumuk ei, wote omba, pena ila pem ei kun, enim mbi ou tangina, wote wu nuim mumuk mbu nga peng wana tupa pakumba ei, ping nui nanumba.

#### **Tundan Mep Mana Mbun Numan Tenda Pilamin**

<sup>5</sup>Uŕ ei mel ku, enim wu kang wu mbu ndi pilik, enim nga rup wu mbu nga mana orunga muŕui! Enim ndi, en enim nga mul orunga mana nduk, ti ndi ti nga kongun kindmant indui! Got nga ik kat rorong kuŕ ndi, ei mel nutum,

“Got ndi, numan meka rui kanduk tutmin wamp mbu, ropa mana ndurum, wote numan koma ti kanduk tutmin wamp mbu, elim ndi, kont kuŕpa pot tutum,” nutum.

<sup>6</sup>Enim ndi, en enim nga numan orunga mana nduk, Got nga ki rondut petum ei nga mana orunga muŕui! Ei nga, elim nga ui kai pem tila enim

ola tumba. <sup>7</sup>Enim nga numan ou ndupa p̄nmin uʔ mbu, Got elim k̄n nguk ruk ndui. Nambuʔ emel, elim ndi, enim ruʔ etum.

<sup>8</sup>Enim nga numan orunga, tuk kun munduk, tuk menduk pilik mint muʔui! Enim nga el rui wu Seitan ei, wamp mat kandap tap nuimp nimba, kui laiyan na ni mel, kuimp mepa andpa mint morum. <sup>9</sup>Enim nga mondpa pili orunga ronduʔ pangga molk, el rui wu kit ei, rok ekit ndui! Nambuʔ emel, enim p̄nmin ei, mondpa pili wamp mat, mui kump mbila pora, mbun mindil enim t̄nmin ei nga, kandak tuk ku mormin.

<sup>10</sup>Wamp pol ti uʔ mbu, Got elim k̄n tetum. Elim ndi, enim wi ropa, Kraist k̄n ruk titim ei ndi, enim ruʔang kai uʔ nga k̄nt nga kont tetum ei, teing nimba itim. Ei nga, enim ui onunga kuʔ ila, mindil nangina, wote enim etpa kai mondpa, tupa kun mundpa, etpa ronduʔ mundamba. <sup>11</sup>Got k̄n uʔ ronduʔ pi mbu nga minal, uʔ nga k̄nt nga tepa mint purum! Ei kupa.

### Rawe Ik Kuʔ

<sup>12</sup>Sailas, na ndi t̄p, na nga ungun kai mondur nump p̄t ei ndi, na tupa rapunduʔnga, mon koʔmung kuʔ rop, enim k̄n ngont. Na nga numan ei ndi, enim nump ronduʔ ngump, wote nump ekit ndup k̄n, ik n̄nt mbu, Got nga wamp poʔ tupa kont kurum uʔ kupa ei. Got nga wamp poʔ ti uʔ n̄nt ila, ronduʔ munduk muʔui! <sup>13</sup>Bapilon kona ila rapa tenda wamp kuʔ, Got ndi, enim k̄n tupa kup etpa mbi ropa titim ei ndi, enim rawe ik kai mbu nimba mundnum. Wote, na nga kangum kang Mak ndi, rawe ik kai mbu nimba mundnum ku. <sup>14</sup>Ana aiyamun mbu k̄n pora, rawe etuk, ik kai mbu nuk mondpa pili wamp nga, wamp numan ngui uʔ ei etuk muʔui! Enim Kraist k̄n mormin wamp mbu, moʔpa kundi uʔ mbu, enim k̄n kan piyanga!